



Bentiarq Ottosen
Atassut

UKA 2024/55
12. november 2024

Nunatsinni umiartortunnngorniarnermi ilinniarfiusinnaasut suulluunniit tamarmik illoqarfimmut ataatsimut, ilinniarfimmullu ataatsimut ataatsimuulersinneqassagaluarpata pitsaaqutigisinnaasaanik pitsaannequtigisinnaasaanillu aammalu aningaasatigut kingunerisinnasaanik misissueqqillugit Naalakkersuisut peqquneqarnissaannik Inatsisartut aalajangiiffigisassassaattut siunnersuut. Maskinmesterinnngorniartarnerup imarsiornernermik ilinniarfiup iluaniilernissaa soorlutaaq nunatsinni umiarsuup naalagaatut ilinniartitsisoqartalersinnaanera misissugassanut ilaassaaq. Misissuineq naammassereersimassaaq UKA25 sioqqullugu.

(Inatsisartunut ilaasortaq Peter Olsen, Inuit Ataqtigiiit)

Inatsisartuq Peter P. Olsen qujanaq siunnersuutinnut, ilumoorputillu aallaqqaasiininni aperigavit: Sumut killippugut? Suut angusimavagut? Anguniakkat iluatsissimappat? Ukiuni 45-ni.

Ukiuni taakkunani saamerliit partiivi neriorsuiuarsimapput namminiilivissasugut. Oqaannarsinnaavugummi tamanna iluatsissimangitsoq. Illuatungaani lu qitiusumut eqiterukkaluttuinnarneq pisimavoq, allaffissornerujussuaq aatsaat taamak annertutigaaq, allaallu massakut qulaaniit aqutsineq sakkortoqaluni. Peter P. Olsen ilumoorputit, pikkorinnerusariaqarpugut, immaqaluunniit oqaatigilluaannarlugu, piviusorsiornerusariaqavissorpugut angusaqassagutta.

Siunnersuuteqartullu uani siunnerfia Atassummiit soqutiginarlipparput, nunatsinnilu umiarsuup naalagaatut ilinniarsinnaalernissaaq taperserusullugu. Umiartortutullu ilinniarfiit ataatsimoortinneqarnissaat pillugu pitsaaqutaasinnaasut ajoqutaasinnaasullu misissorneqarnissaat pillugu siunnersuut aamma soqutiginarfillugu Atassummiit taperserumavarput.